

29.
11.
SANCTISSIMI D. N. DOMINI

CLEMENTIS

Diuina Prouidentia

PAPÆ XI.

Declaratio nullitatis, damnatio, abolitio, & reprobatio cuiusdam Ediſti à Laicali poteſtate editi ſuper Cenſuris Eccleſiaſticis à R. P. D. Petro Secundo Epiſcopo Caſalen. aduerſus Comitem Iacobum Nemours promulgatis: cùm varijs ordinationibus pro exaſta Cenſurarum huiusmodi obſeruantia, donec vel ab habente legitimam ad id facultatem abſolutio ab eis conceſſa fuerit, vel illæ nullæ, aut iniuſtæ à competenti Iudice Eccleſiaſtico fuerint declaratæ: ac inſuper cum Decreto, quod ij, qui aliàs, videlicet ratione præfati Ediſti eaſdem Eccleſiaſticas Cenſuras quouis modo incurrerunt, poſt debitam Eccleſiæ præſtitam ſatiſfactionem, nonniſi à Sede Àpoſtolica abſolutionis beneficium obtinere valeant.



ROMÆ, MDCC XIII.

THE HISTORY OF THE CITY OF BOSTON

AS FAR AS THE
ANNALS OF THE CITY ARE CONCERNED

FROM THE FIRST SETTLEMENT OF THE
ENGLISH IN 1630 TO THE PRESENT
TIME. BY SAMUEL JOHNSON, ESQ.
OF BOSTON. IN TWO VOLUMES.
THE FIRST VOLUME.
BOSTON: PRINTED BY S. KNEELAND, AT THE
SIGN OF THE ANCHOR, IN THE
MARKET PLACE. 1785.



C L E M E N S

P A P A X I.

Ad futuram rei memoriam.



On sine ingenti animi nostri mœore nouissimè accepimus, quod cùm nuper, nempe mense Iunio proximè elapso, Venerabilis Frater Petrus Secundus Episcopus Casalensis Diuini honoris Zelo ductus, palàm excommunicauerit; seu in maiorem excommunicationem incidisse, adeoque ab omnibus vitandum esse declarauerit Comitem Iacobum Nemours, eo quia ipse, dum sollemnis supplicatio, seu Processio Sanctissimi Corporis Christi in Ciuitate Casalensi habebatur; non tam loci, ac temporis, quàm reuerentiæ Episcopali Dignitati debitæ immemor, & quod longè deterius est, ipsi quoque Sanctissimo Eucharistiæ Sacramento debitæ venerationis oblitus, excitatis inanibus; & importunis contentionibus, eiusdem supplicationis progressum abruptum ausus fuerat: Et quamuis à præfato Petro Secundo Episcopo idem Sanctissimum Sacramentum deferente pijs, paternisque vocibus admonitus, atque etiam rogatus, vt à proposito desisteret, obortamque in Populo, qui frequentissimus ad illam Sacram functionem confluxerat, grauem offensionem, publicumque scandalum submoueret, eiusdem Præsulis authoritatem in oculis omnium temerè oppugnare, & quam illi præstare tenebatur, obedientiam pertinacitè detrectare non erubuerat: Sæcularis potestatis illarum partium Officiales, seu Administri, cæco abrepti consilio, ac eorum, quæ memoratus Antistes, vt Diuinum honorem, simulque Episcopalem dignitatem tueretur, egerat, odio incitati, profanas manus ad Arcam Domini extendere, & Sanctissima Ecclesiæ Instituta; præscriptamque à Canonicis Sanctionibus disciplinam penitus subuertere, ac conuellere minimè veriti fuerunt; Licèt enim satis perspectum omnibus sit Ecclesiasticis Censuris innodatos, veluti aquâ, & igne interdictos, ac tanquam putrida membra canonicæ seueritatis gladio abscissa, nè totum corpus inficiant, pro veteri Ecclesiæ more, ab vniuersis Christi fidelibus, sub pœnis in Sacris Canonibus, & Apostolicis Constitutionibus disertè præfinitis, vitandos esse: nihilominus præfati Sæcularis potestatis Officiales, seu Administri, instante potissimum, ac urgente cognominato Riualta eiusdem Sæcularis potestatis asserto Procuratore Fiscali, eò temeritatis, & audaciæ deuenerunt, vt nomine, & authoritate Dilecti Filij Nobilis Viri Victorij Amedei Sabaudie

baudæ Ducis, & Pedemontij Principis abutentes, Ediſto Typis edito, publicèque promulgato, non modò quibuſcumque perſonis cuiuſvis ſtatus, gradus, & conditionis inhibuerint, nè dicti Iacobi Comitìs, ſicut præmittitur, excommunicati, ac palàm denunciati conſuetudinem, atque commercium, eiufmodi excommunicationis ratione, vitare auderent, grauiffimis, etiam mortis, cuiſibet, qui ſecùs fecerit, indiſtis pœnis: (quâ planè horrendâ comminatione Chriſtifiſdeles earundem partium in manifeſtum diſcrimen coniecti fuerunt, vel capitis pœnam ſubeundi, vbi ejuſmodi Ediſto morem gerere detrectarent, vel ſanè æternæ ſalutis iacturam facienti, quatenùs eidem Ediſto obtemperando debitam Eccleſiæ mandatis obedientiam præſtare renuerent;) Verùm etiam ſcandala ſcandalis adiſcipientes, eundem Petrum Secundum Episcopum ſub pœna occupationis, ſeu reductionis Bonorum temporalium, tam ſcilicet illius patrimonialium, quàm ſuæ Menſæ Episcopalis monuerint, vt ab inferenda ipſi Iacobo Comiti quacumque vltiori moleſtiâ omninò abſtineret, ac interim præiudiciũ illi per dictam Excommunicationem, quam nullam, iniuſtam, ac præcipitanter promulgatam nuncuparunt, irrogatum opportunè ſarciret; perindè ac ſi, vbi ipſa Excommunication nulla, vel iniuſta foret, competentia Tribunalia Eccleſiaſtica non extarent, quæ de illius prætenſâ nullitate, vel iniuſtitia rectè, ac ordine cognoscere, legitimumque de ea iudiciũ ferre poſſent: & aliàs, prout vberius continetur in præſato Ediſto, quod non alio quidem animo, quàm vclariùs, & apertius dignoſci ab omnibus poſſit, quàm inuſitati exempli, quantique horroris, & ſcandali illud ſit, præſentibus inferendum duximus, tenoris, qui ſequitur, videlicet = VITTORIO AMEDEO II, Per Gratia di Dio Duca di Savoia, e Monferrato, Principe di Piemonte, Rè di Cipro, &c. = *Ad ogn'uno ſia manifeſto, che viſſa la Supplica ſportaci per parte del Procuratore Fiſcale Generale noſtro Rivalta, & il tenor di quella ben conſiderato; Per le preſenti, attaſa l'evidente nullità, ingiuſtitia, e precipitatione della Scomunica preſerta dal Veſcovo di Caſale in odio del Conte Giacomo Nemours. Abbiamo inibito, & inibiamo à qualſivoglia Perſona di qualunque ſtato, grado, e conditione, tanto Sudditi, che Forafſtieris abitanti in eſſa Città di Caſale, che qualunque altro luogo de Stati Noſtri d'evitare il Commercio, e Conſortio di detto Conte Nemours, ſotto preteſta di tal Scomunica, meno per tal cauſa moleſtarlo, nè moſtegiarlo in qualunque maniera ſotto pene gravi, e grauiffime, etiandio della morte; Et in oltre habbiamo moſto, & moniamo detto Veſcovo, & Ufficiali della ſua Curia di non ſolo aſtenerſi da ogni, e qualunque ulterior moleſtia, & agratio verſa detto Conte; mà ancora di dover indilatamente, & in ogni miglior modo riparare l'ingiùſta violenza, e traſcorſo d'eſſo con la fulminata nulla, ingiuſta, e precipitata Scomunica, ſotto pena della reductione de beni temporali del Veſcovato, e ſuoi. Mandando le preſenti regiſtrarſi, dicbiarando l'eſecutione di queſte da farſi in perſona d'alcuno di detti Ufficiali di detta ſua Curia, o d'alcuno de ſuoi Domeſtici quanto al detto Veſcovo, & all' Albo Pretorio*

vio, e Luoghi soliti di detta Città, quanto ad ogni altro, valer, & alla
 Copia stampata dal Stampatore nostro Prielli douersi prestar tanta fede,
 come al proprio Originale, che tal è nostra Mente. Dat. in Casale li 7,
 Luglio 1713. == Per S.A.R. ; à Relatione del Senato == Perronus ==
 In Casale, Per Pietro Maria Prielli Stampator Ducale == Con priuilegio =
 Cùm autem notorij Iuris sit, nulli Laicali potestati fas esse decernere,
 seu edicere, quod Censuræ ab Episcopis promulgatæ, seu declaratæ,
 sub obtentu, quod nullæ, vel iniustæ sint, attendi non debeant; ac
 in his, quæ ad Ecclesiasticam Iurisdictionem pertinent, Sæculi Ma-
 gistratus obsequendi maneat necessitas, non autoritas imperandi;
 adeoque præmissa in grauissimum Christifidelium scandalum tendant,
 animalque pretioso Saluatoris, & Domini Nostri IESV Christi San-
 guine redemptas in maxima pericula adducere, & deplorandis malis
 inuoluere possint. Hinc est, quod Nos, qui Iurium Ecclesiasticorum
 assertores in Terris à Domino constituti sumus, ac proinde tam
 graues Sæcularis Potestatis abusus dissimulare non possumus, liber-
 tatem, Immunitatem, & Iurisdictionem Ecclesiasticam à perniciosis
 eiusmodi conatibus illæsam tueri, & conseruare, necnon animarum
 periculis, quantum Nobis ex alto conceditur, occurrere cupientes;
 omniumque, & singulorum, quæ in præmissis, seu eorum occasione
 quouis modo acta, & gesta fuerunt, seriem, causas, & circumstan-
 tias, etiam aggrauantes, nec non tam præfatorum, quam alterius
 cuiuscunque Senatus, Magistratus, Iudicis, Ministri, Officialis,
 Notarij, Scribæ, & aliarum quarumuis personarum in eisdem præ-
 missis quomodolibet culpabilium qualitates, dignitates, nomina,
 & cognomina, aliaue quæcumque etiam specificam, ac indiuiduam
 mentionem, & expressionem requirentia præsentibus pro plenè, &
 sufficienter expressis, & exactè specificatis habentes; Motu proprio,
 ac ex certâ scientiâ, & maturâ deliberatione nostris, deque Apo-
 stolicæ Potestatis plenitudine, Edictum præinsertum, ac quæcumque
 in eo contenta cum omnibus, & singulis indè secutis, & forsan quan-
 docunque secuturis, nulla, irrita, inualida, iniusta, reprobata,
 damnata, inania, & à non habentibus potestatem temerè, & damna-
 biliter attentata, ac de facto præsumpta, nulliusque roboris, & mo-
 menti, vel efficacitæ esse, & ab initio fuisse, ac perpetuò fore, nemi-
 nemque ad illorum obseruantiam teneri, imò nec illa à quoquam
 obseruari posse, vel potuisse, adeoque neque vllum statum facere,
 vel fecisse, sed perindè ac si nunquam emanassent, nec facta fuissent,
 pro non extantibus, & non factis perpetuò itidem haberi debere,
 renore præsentium declaramus. Et nihilominus ad maiorem, & abun-
 dantiorem cautelam, & quatenus opus sit, illa omnia, & singula, prout
 etiam quæcumque alia præmissorum occasione in præiudicium Liber-
 tatis, Immunitatis, & Iurisdictionis Ecclesiasticæ quouis modo ema-
 nata, edita, acta, gesta, & perpetrata, cum omnibus paritèr indè secu-
 tis, & quodocunque secuturis, harum serie damnamus, repro-
 bamus, reuocamus, cassamus, irritamus, annullamus, & abolemus,
 yribusque, & effectu penitus, & omnino vacuamus, ac pro damnatis,
 repro-

reprobatis, reuocatis, cassatis, irritis, nullis, inuaidis, & abolitis, viribusque, & effectu penitus, ac omnino vacuis semper haberi volumus, & mandamus. Præterea, tametsi perspecta Cleri, Populique Castitatis pietas, & Religio spem Nobis certam ingerat, fore ut memorati Edicti nullam hactenus, ut par erat, rationem habuerint, eoque non attento, à qualibet consuetudine, & commercio cum præfato Iacobo Comite, tanquam verè excommunicato, ac omnino vitando, penitus vtrò abstinerint, & abstineant, nihilominus Motu, scientiâ, deliberatione, ac potestatis plenitudine paribus, eundem Iacobum Comitem, tanquam verum excommunicatum vitandum, ab omnibus viriisque sexus Christianis habendum esse, donec, & quousque absolutionis beneficium Christianâ humilitate petierit, illudque ab habente legitimam ad id facultatem impetrauerit: vel quatenus Censurâ aduersus eum promulgatâ nullâ, aut iniuste prætendantur, eas uti tales à competente Iudice Ecclesiastico declarari obtinuerit, cum antè eiusmodi declarationem pro validis, ac iustis ab omnibus haberi debeant, earundem tenore præsentium decernimus, & similiter declaramus. Quocirca vniuersis Presbyteris, & Clericis tam Sæcularibus cuiuscumque gradus, præminentie, & Dignitatis fuerint, quàm cuiusvis Ordinis, Congregationis, Instituti, & Societatis, etiam IESV, Regularibus in Diuinis Ministrantibus harum serie districtè præcipimus, & mandamus, ut quatenus prædictus Iacobus Comes ad eorum Ecclesias, seu Oratoria accedere, ibique Diuinis Officijs, alijsue Sacris functionibus interesse præsumeret, cum eo ita se gerant, quemadmodum ex Sacrorum Canonum præscripto cum Excommunicatis publicè denunciatis agendum esse probè norunt, sub pœnis ab ipsis Sacris Canonibus in eos, qui secus fecerint, constitutis. Cœterum cum exploratum sit, tam præfatum cognominatum Rualta, qui præmissa ab eadem Sæculari potestate edici, & ordinari petijt, ac instet, ut præfertur, quàm cognominatum Perronum, qui præinferto Edicto subscripsit, nec non Petrum Mariam Prielli Typographum, qui illud suis Typis impressit, aliosque omnes, & singulos cuiuscumque pariter status, gradus, Ordinis, præminentie, & Dignitatis, quantumvis sublimis fuerint, qui eadem præmissa mandarunt, ac ordinarunt, seu illis consilium, auxilium, fauorem, vel quamvis aliam damnabilem operam præstiterunt, aut in eorum sequelam, & executionem gesta approbarunt, & rata habuerunt, seu aliâs in eis quomodolibet culpabiles fuerunt, Censuras omnes, & pœnas Ecclesiasticas à Sacris Canonibus, generalium Conciliorum Decretis, & Apostolicis Constitutionibus, ac præsertim literis die Cenæ Domini singulis annis legi, & promulgari consuetis inflictas, eò ipso incurrisse: Nouerint idcirco illi omnes, etiam specialissima mentione digni, à Censuris, & pœnis huiusmodi post debitam, ac condignam Ecclesiæ realiter, & cum effectu præstitam satisfactionem, non nisi à Nobis, seu Romano Pontifice pro tempore existente (præterquam in Mortis articulo constituti, nec etiam tunc nisi de stando Ecclesiæ mandatis, & satisfaciendo cautione præstita, atque cum rein-

eidentia eo ipso, quo conseruauerint) absolui, & liberari posse, prout
 earumdem tenore præsentium pariter decernimus. Facultatem insu-
 per quodcumque procedendi ad alia seueriora remedia, quatenus
 prædicti Ecclesiastica libertatis Violatores. in sua contumacia persi-
 stentes censuras, & pœnas huiusmodi animo, quod absit, sustinuerint
 indurato, Nobis, & eidem Apostolicæ Sedi expressè reseruantes. Ac
 decernentes pariter easdem præsentis literas, & in eis contenta quæ-
 cumque, etiam ex eo quod prædicti, & alij quicumque in præmissis
 interesse habentes, seu habere quomodolibet prætendentes, cuiusuis
 status, gradus, Ordinis, præeminentiæ, & Dignitatis existant, seu aliàs
 specifica, & indiuidua mentione, & expressione digni, illis non con-
 senserint, nec ad ea vocati, citati, & auditi, causæque, propter quas
 præsentis emanarint, sufficienter adductæ, verificatæ, & iustificatæ non
 fuerint, aut ex alia qualibet, etiam quantumuis iuridica, & priuile-
 giata causa, colore, prætextu, & capite, etiam in corpore iuris clau-
 so, etiam enormis, enormissimæ, & totalis læsionis, nullo vnquam
 tempore de subreptionis, vel obreptionis, aut nullitatis vitio, seu
 intentionis Nostræ, vel interesse habentium consensus, alioque quoli-
 bet, etiam quantumuis magno, & substantiali, ac inexcogitato, &
 inexcogitabili, indiuiduamque expressionem requirente defectu, no-
 tari, impugnari, infringi, inualidari, retractari, in controuersiam vocari,
 aut ad terminos Iuris reduci, seu aduersus illas apertionis oris,
 restitutionis in integrum, aliudue quodcumque Iuris, facti, vel gratiæ
 remedium intentari, vel impetrari, aut impetrato, seu etiam Motu,
 scientia, & potestatis plenitudine paribus concessio, vel emanato,
 quempiam in iudicio, vel extrà illud uti, seu se iuuare vilo modo
 posse; Sed ipsas præsentis literas semper firmas, validas, & efficaces
 existere, & fore suosque plenarios, & integros effectus sortiri, & obti-
 nere, ac ab illis, ad quos spectat, & pro tempore quodcumque spe-
 ctabit, inuiolabiliter, & inconcussè obseruari; Sicque, & non aliter in
 præmissis per quoscumque Iudices Ordinarios, & delegatos, etiam
 Causarum Palatij Apostolici Auditores, ac dictæ Sanctæ Romanæ Ec-
 clesiæ Cardinales, etiam de latere Legatos, & præfatæ Sedis Nuncios,
 aliosue quoslibet quacumque præeminentiâ, & potestate fungentes,
 & functuros, sublatâ eis, & eorum cuilibet quauis aliter iudicandi, &
 interpretandi facultate, & autoritate, iudicari, & definiri debere, ac
 irritum, & inane, si secus super his à quoquam quauis autoritate
 scienter, vel ignoranter contigerit attentari. Non obstantibus præ-
 missis, ac quatenus opus sit, Nostrâ, & Cancellariæ Apostolicæ Regu-
 lâ de Iure quæsito non tollendo, alijsque Apostolicis, ac in Vniuersa-
 libus, Prouincialibusque, & Synodalibus Concilijs editis generali-
 bus, vel specialibus Constitutionibus, & ordinationibus, nec non
 quorumcumque Ordinum, Congregationum, Institutorum, & Socie-
 tatum, etiam Iesu, ac quorumuis Monasteriorum, Conuentuum, Eccle-
 siarum, locorum piorum, alijsue quibusuis, etiam Iuramento, confir-
 matione Apostolica, vel quauis firmitate alia roboratis statutis, &
 consuetudinibus, ac præscriptionibus quantumcumque longissimis, &

immemorabilibus: Præilegijs quoque, Indultis, & literis Apostolicis Ordinibus, Congregationibus, Institutis, & Societatibus, etiam Iesu, ac Monasterijs, Conuentibus, Ecclesijs, & locis pijs prædictis, illorumque respectiue Superioribus, alijsue quibuslibet personis, etiam quantumuis sublimibus, & specialissimâ mentione dignis à Sede prædicta ex quacumque causa, etiam per viam contractus, & remunerationis sub quibuscumque verborum tenoribus, & formis, ac cum quibusuis, etiam derogatorijs derogatorijs, alijsque efficacioribus, efficacissimis, & insolitis clausulis, irritantibusque, & alijs Decretis, etiam Motu, scientia, & potestatis plenitudine paribus, seu ad quorumcumque personarum, etiam Imperiali, Regali, aliaue qualibet Mundana, vel Ecclesiastica Dignitate fulgentium instantiam, aut earum contemplatione, seu aliâs quomodolibet in contrarium præmissorum concessis, editis, factis, ac pluries iteratis, ac quantiscumque vicibus approbatis confirmatis, & innouatis, etiam continentibus, quod excommunicari non possint per literas Apostolicas non facientes plenam, & expressam, ac de verbo ad verbum de præilegijs, & Indultis huiusmodi mentionem. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & indiuidua, ac de verbo ad verbum, non autem per clausulas generales idem importantes, mentio, seu quæuis alia expressio habenda, aut aliqua alia exquisita forma ad hoc seruanda foret, tenores huiusmodi, ac si de verbo ad verbum, nihil penitus omisso, & forma in illis tradita obseruata, exprimerentur, & Inererentur, presentibus pro plenè, & sufficienter expressis, & insertis habentes, illis aliâs in suo robore permansuris, ad præmissorum effectum hac vice dumtaxat specialiter, & expressè derogamus, & derogatum esse volumus, cæterisque contrarijs quibuscumque. Vt autem eadem præsentès literæ ad omnium notitiam facilius deueniant, volumus illas, seu earum exempla ad valuas Ecclesiæ Lateranensis, ac Basilicæ Principis Apostolorum, nec non Cancellariæ Apostolicæ, Curiaque generalis in Monte Citorio, & in acie Campi Floræ de Vrbe, vt moris est, affigi, & publicari; sicque publicatas, & affixas omnes, & singulos, quos illæ concernunt, perinde arctare, & afficere, ac si vnique eorum nominatione, & personaliter intimatæ fuissent; Vtque ipsarum literarum transumptis, seu exemplis etiam impressis manu alicuius Notarii publici subscriptis, & sigillo personæ in Ecclesiastica Dignitate constitutæ munitis eadem prorsus fides tam in Iudicio, quam extrâ illud vbique adhibeatur, quæ eisdem præsentibus adhiberetur, si forent exhibitæ, vel ostensæ. Datum Romæ apud S. Mariam Maiorem sub annulo Piscatoris die XXVIII. Iulij MDCCXIII. Pontificatus Nostri Anno XIII.

F. Oliuerius.

Anno à Natiuitate D. N. Iesu Christi millesimo septingentesimo decimo tertio, Indictione sexta, die uero decima quarta Augusti, Pontificatus Sanctissimi in Christo Patris, & D. N. D. Clementis Diuina providentia Papa XI. Anno decimo tertio supradictæ Literæ Apostolicæ affixæ, & publicatæ fuerunt ad valuas Ecclesiæ Lateranensis, & Basilicæ Principis Apostolorum, Cancellariæ Apostolicæ, Curia Generalis in Monte Citorio, in Acie Campi Floræ, ac in alijs locis solitis, & consuetis Urbis per me Iacobum Vasellum Apostolicum Cursorem. Antonius Placentinus Magister Curforum.